

ИТГЭМЖЛЭЛ:

Хүнсний болон ундны усны аюулгүй байдлыг хангах нь




Ямар асуудал байна вэ?

- **Та бидний хоол хүнс эрүүл, ундны ус маань цэвэр байж чадаж байна уу?** Бохирдолгүй, хоргүй, эмгэг төрүүлэгчгүй байна уу? Ямар нэгэн харшилтай хүмүүс бүтээгдэхүүний шошгон дахь мэдээлэлд найдаж болох уу?
- **Яг тэр бүтээгдэхүүн мөн үү?** Бидний хэрэглэж буй бүтээгдэхүүн яг бидний бодож байгаа шиг бүтээгдэхүүн мөн үү? Лааз, савласан бүтээгдэхүүний гадна талын шошгон дээр бичсэн бүтээгдэхүүний орц тухайн бүтээгдэхүүнд агуулагдаж байгаа болов уу?
- **Хэрхэн үйлдвэрлэсэн бол?** Хүнсний бүтээгдэхүүн, савтай усыг хэрхэн үйлдвэрлэсэн талаар, ялангуяа түүний гарал үүсэл, байгаль орчин, мал амьтантай холбоотой мэдээллийг авах хэрэгцээ улам бүр нэмэгдэж байна.

Хүнсний бүтээгдэхүүн, савласан усыг үйлдвэрлэж, түгээх нь нийлүүлэлтийн тодорхой сүлжээний дагуу явагддаг. Энгийнээр хэлбэл тариа тарихаас хураах хүртэл, мал маллахаас нядлах хүртэл тодорхой шат дамжлаг бий бөгөөд түүний дараа хадгалах, боловсруулах, савлах, түгээх гэсэн дамжлага бий. Хүнсний бүтээгдэхүүн, усны үйлдвэрлэл нь маш өрсөлдөөнтэй, далайцтай, дээр нь төрийн өндөр зохицуулалттай салбар юм.

Хот, хөдөөд хүнсний бүтээгдэхүүн, савласан усыг их хэмжээгээр үйлдвэрлэж байгаа бөгөөд бүтээгдэхүүний аюулгүй байдлыг хангахын тулд үйлдвэрлэлийн шат дамжлагад бүхэлд нь, эсвэл хэсэгчлэн хатуу хяналт тавих шаардлагатай. Түүнчлэн, жижиглэн худалдааны төвүүдийн агуулах, лангууг анзаарахгүй өнгөрч болохгүй. Сүүлийн үеийн бүтээгдэхүүнүүд хэд хэдэн улсад үйлдвэрлэсэн орц, эд ангиас бүрддэг болжээ.



Тэгвэл бидний хэрэглэж буй хүнсний бүтээгдэхүүн, ундны ус маань аюулгүй, цэвэр байна гэдэгт яаж итгэх вэ?

Дээж авах, бүтээгдэхүүн, үйлчилгээ, үйл явц, менежментийн тогтолцоо, эсвэл ажилтныг тодорхой шаардлагын дагуу лаборатори, баталгаажуулалтын байгууллага, эсвэл техникийн хяналтын байгууллага (*бүгдийг нь нийлүүлээд тохирлын үнэлгээний байгууллага гэж нэрлэнэ*)-ууд үнэлдэг. Тухайн бүтээгдэхүүнийг холбогдох стандарт, журамд нийцсэн, аюулгүй эсэхийг нь тохирлын үнэлгээний тусламжтайгаар тогтооно.

Тохирлын үнэлгээ нь аюултай, байгаль орчинд сөрөг нөлөө үзүүлэхүйц, хортой бүтээгдэхүүнийг зах зээлд нэвтрэхээс урьдчилан сэргийлдэг байна. Хууль тогтоогч, эрх баригчдын зүгээс бодлогын хувьд тэдгээрт тавих шаардлага, техникийн үзүүлэлтүүдийг нь тогтоох бөгөөд түүнийг хэрэгжүүлэхэд лаборатори, техникийн хяналтын байгууллага, баталгаажуулалтын байгууллагууд чухал үүрэг гүйцэтгэдэг.




Итгэмжлэлийн зорилго юу вэ?

Итгэмжлэл гэж хүлээн зөвшөөрөгдсөн тохирлын үнэлгээний байгууллагууд тодорхой стандартын дагуу тухайн байгууллагын үйл ажиллагааг гүйцэтгэх чадвар, хараат бус, бие даасан байдлыг нь тогтоох үнэлгээ юм. Засгийн газар, худалдан авагч, хэрэглэгчдийн хувьд олон улсын болон үндэсний стандартыг хэрэгжүүлж байгаа байгууллагын шалгалт тохируулга, сорилтын үр дүн, техникийн хяналтын тайлан, тохирлын үнэлгээний байгууллагаас олгож буй баталгаажуулалтанд бүрэн итгэж болно.

Олон улс орнуудад итгэмжлэлийн байгууллагыг тохирлын үнэлгээний байгууллагуудын үйл ажиллагааг хянах зорилготойгоор байгуулдаг.

Ижил түвшний байгууллагаар үнэлүүлсэн итгэмжлэлийн байгууллагын итгэмжилсэн бүтээгдэхүүн, үйлчилгээг олон улсад хүлээн зөвшөөрөх бөгөөд ингэснээр худалдааг дэмжсэн тогтолцоо бүрдэнэ. Ийм харьцуулалтыг Олон улсын лаборатори итгэмжлэлийн хамтын ажиллагааны байгууллага (ILAC) лаборатори, техникийн хяналтын байгууллагуудын дунд зохион байгуулах бөгөөд Олон улсын итгэмжлэлийн форум (IAF) нь менежментийн тогтолцоо, бүтээгдэхүүн, ажилтны хүрээнд зохион байгуулна. ILAC, IAF нь олон улсын түвшинд итгэмжлэл, тохирлын үнэлгээг сайжруулахын төлөө нягт хамтран ажилладаг.



Итгэмжлэгдэхийн ач холбогдол юу вэ?

Хууль тогтоогч, эрх бүхий байгууллагуудын хувьд Хууль тогтоогч байгууллагын зүгээс бодлого, техникийн шаардлагыг тогтоох бөгөөд түүний хэрэгжилтийг хангахад итгэмжлэгдсэн лаборатори, техникийн хяналтын болон баталгаажуулалтын байгууллага чухал үүргийг гүйцэтгэнэ. Ингэснээр хууль тогтоогч байгууллага хяналт хийх ачааллаа багасгаж, улмаар зардал буурах бөгөөд үндсэн хяналтын үүргээ гүйцэтгэх чадавхи нь сайжирна. Итгэмжлэлийн үйлчилгээ өргөжсөнөөр нэмэлт хууль, тогтоомж гаргах хэрэгцээ буурч, сөрөг үр дагавар гарах эрсдэл багасна. Хууль тогтоогч байгууллага нь олон улсад итгэмжлэгдсэн гадаадын байгууллагын сорилтын үр дүн, техникийн хяналтын тайлан, баталгаажуулалтыг өөрийн оронд хийсэн үр дүнгийн нэгэн адил итгэлтэйгээр хүлээн зөвшөөрч, ашиглах боломжтой болно. Ийм учраас итгэмжлэлийн тогтолцоо нь хүнсний аюулгүй байдал, ундны цэвэр усны үйлдвэрлэлийг хянах найдвартай тогтолцоо болж чадна.

Хүнсний үйлдвэрлэлд итгэмжлэлийн тогтолцоог ашиглаж байгаа сайн жишээ, судалгааны үр дүнг Төрийн баталгаа (Public Sector Assurance) сайтаас авч үзнэ үү. – www.publicsectorassurance.org/topic-areas/food-safety-agriculture

Хүнс, цэвэр усны үйлдвэрлэлийн салбарт ажиллаж буй компаниудын хувьд

Дэлгүүр, сүлжээ дэлгүүрүүд түүнд хүнсний бүтээгдэхүүн, цэвэр ус нийлүүлж буй компаниудыг тэдний бүтээгдэхүүн хүнс, усны аюулгүй байдлын стандартыг хангаж байгаа эсэхээ сорилтын үр дүн, техникийн хяналтын тайлан, баталгаажуулалтын үр дүнгээр харуулахыг шаарддаг болов. Хүнс, усны аюулгүй байдлын стандартыг хангаснаар нийлүүлэгч нь аюулгүй байдал, байгаль орчин, ан амьтанд тодорхой түвшинд сөрөг нөлөөгүй бүтээгдэхүүн нийлүүлж байгаа гэдгээ нотолж байгаа юм.

Итгэмжлэл ба тохирлын үнэлгээний итгэмжлэгдсэн байгууллагын үйлчилгээг авснаар нийлүүлэлтийн сүлжээний байгууллагууд үүсч болох гомдол, маргаанаас өөрсдийгөө хамгаална.

Олон улсын итгэмжлэлийн харилцан хүлээн зөвшөөрөх хэлэлцээрийн дагуу итгэмжлэлийн гэрчилгээг дэлхийн аль ч улсад хүлээн зөвшөөрнө. Энэ нь олон улсын худалдаанд бүтээгдэхүүнийг хүлээн зөвшөөрөхгүй байх, эсвэл улс бүрт дахин үнэлгээнд оруулах тохиолдлыг бууруулна.

Тохирлын үнэлгээний итгэмжлэлийн ач холбогдлыг харуулсан судалгааг www.business-benefits.org сайтаас харна уу.

Хэрэглэгчийн хувьд

Тохирлын үнэлгээний гэрчилгээтэй бүтээгдэхүүн үйлчилгээнд хэрэглэгчдийн итгэх итгэл өндөр байна. Зах зээлд нийлүүлж буй ийм бүтээгдэхүүнийг олон улсын итгэмжлэлийн хэлэлцээрийн дагуу аль улсад үйлдвэрлэсэнээс үл хамааран чанар, аюулгүй байдлын стандартыг хангасан гэж үзнэ.

ILAC

ILAC нь лаборатори, техникийн хяналтын итгэмжлэлийн олон улсын байгууллага бөгөөд дэлхийн улс орнуудын итгэмжлэлийн байгууллагууд гишүүнээр нь ажилладаг. ILAC-ийн www.ilac.org вэбсайтаас лаборатори, техникийн хяналтын итгэмжлэлийн талаарх дэлгэрэнгүй мэдээллийг авч болох бөгөөд дэлхийн улс орон бүрт байдаг гишүүн байгууллагуудын талаар мэдээлэл авч болно.

ILAC нь төр, хувийн хэвшлийн байгууллагуудыг итгэмжлэгдсэн лаборатори, техникийн хяналтын байгууллагууд, тэр дундаа гадаад орны итгэмжлэгдсэн байгууллагуудын үйлчилгээг өргөнөөр ашиглах, хүлээн зөвшөөрөхийг дэмжиж ажилладаг. ILAC нь нэг зорилго, чиглэлээр ажилладаг олон байгууллага, сонирхогч талуудтай хамтран ажилладаг юм.



For more information contact:

ILAC-ийн ажлын алба

PO Box 7507
Silverwater
NSW 2128
Australia

Phone: +61 2 9736 8374
Email: ilac@nata.com.au

www.ilac.org

© Copyright ILAC & IAF 2017

АЙЛАК, ИАФ нь өөрийн хэвлэлийг сургалт, стандартчилал, итгэмжлэл, эсвэл АЙЛАК, ИАФ-ийн үйл ажиллагааны чиглэл, зорилгод нийцсэн, дэмжсэн үйл ажиллагаанд бүтэн болон хэсэгчилсэн байдлаар хэрэглэхийг зөвшөөрнө. АЙЛАК, ИАФ-ийн материалыг дахин хэвлэж ашиглах тохиолдолд уг хэвлэлд АЙЛАК, ИАФ-ийн дэмжлэг, хувь нэмрийг дурьдсан мэдээллийг заавал оруулна.

IAF

Олон улсын итгэмжлэлийн форум (IAF) нь тохирлын үнэлгээний үйл ажиллагаа явуулдаг, ялангуяа, менежментийн тогтолцоо, бүтээгдэхүүн, үйлчилгээ, ажилтны баталгаажуулалтын чиглэлээр тохирлын үнэлгээний үйл ажиллагаа явуулдаг итгэмжлэл, баталгаажуулалтын байгууллагуудын холбоо юм.

IAF нь итгэмжлэгдсэн баталгаажуулалтын байгууллагын олгож буй тохирлын үнэлгээний гэрчилгээг дэлхий дахинд хүлээн зөвшөөрөхийг дэмждэг бөгөөд өөрийн үйл ажиллагаа, хөтөлбөрөөрөө дамжуулан оролцогч бүх талууддаа дэмжлэг үзүүлэн ажилладаг.



For more information contact:

IAF-ийн ажлын алба

Elva Nilsen
28 Chemin Old Chelsea
Box 1811, Chelsea, Quebec
Canada J9B 1A0

Phone: +1 (613) 454 8159
Email: iaf@iaf.nu

www.iaf.nu